



Insëra, mercui ai 7 de mã éł gnü sughé le ritorno dla semifinala de Copa Provinzia cuntra la squadra da Ritten. Dô la sconfitta te cíasa por 2 a 0, à la squadra de Floriani messü porvè la remuntada sön le rî cíamp a Klobenstein. Ince sce al é gnü desmotrè na gran grinta da remuntè, ne ti é le pasaje dl turno nia garatè ala squadra.

In chësc ann ne ti ara nia buté ai sogadûs de rovê tla finala sciöche tl ann 2011. La plöia tomada jö sön le têt dl domisdé à in pêrt alaghé le ciamp da jüch y à insciö ostacolé le jüch cun le pal bâs dles dôes scuadres. La Val é impó buna de mêt 2 goi te rëi, la partida se é rovada cun le resultat de 2-2.

La partida mèt man bun por i sogadûs ladins, atira vëgnel fat gran presciun dant.

Bel ti pröms menüć é l'arbiter che ne conzed nia n önescmetri netto. Sön na trata al limit de Romeo é n defensur che abina le pal cun la man mo l arbiter ne vëiga degun fal. Dedô é spo le Ritten che se lascia udëi y va in vantaje cun na bela aziun, le sogadú sön la fascia mët zeruch n bel preparativ por l' atacant che pò apogé le pal te porta. Do le gol é le Ritten che fej jüch y röia plö iadi a contlujin, mo gonot é le pal rové dlungia la porta ia o adôs a Lukas E.. Döes é ciamò stades les ocajiuns por La Val dan la fin dl pröm tēmp. Ŭna de chēstes é stada le gol, cun Dorigo che à albü na buna reaziun sön n fal dl verda porta che ne é nia stè bun da se tignì le pal tles mans, y pò insciö apogè le pal te porta. Sciöche secunda ocajiun é stada sön n bel cros de Marco C., le bel pla sön le pé a Dorigo ne vëgn nia trat de porta, le medemo slizia te area.

Le arbiter sciūra la fin dl pröm tēmp sön le 1 a 1.

Les condiziuns dl ciamp miorëia tl secundo tēmp, l'ega sön le terëgn se asüia n pü sō y ara va indo da tignì le pal bâs. Le arbiter é ince protagonist y de chēsta partida y da sò contribut a pegioré la situaziun. Ince dla secunda përt dla partida vëgnel sciüré n grüm de fâi inejistēnc. A mez le secundo tēmp tomel spo le secundo gol por le Ritten, sön na trata dal limit dl'area ti sciampa a Lukas E. le pal fora dles mans y röia bel plan te porta. Sëgn é la situaziun y le pasaje dl turno ciamò plö rî por La Val. Al vëgn impó ciarè de tigni le pal alt y de rové dan porta cun inserimēnc jö por les fascies. Insciö é Alex E. che fej, al röia jö insom al ciamp y mët n bel pal bâs amez por Dorigo, chësc controlëia le pal y tla mischia é l bun de trà te porta. Ti ultimi menüć é ciamò le Ritten che é prigorûs, cun n atacant che atoca la stangia de porta cun na bela trata al jore. Dan la fin dla partida é ciamò Romeo che sfiorëia la devēnta sön na trata dal ciantun. Al abina le pal de cé che rimbalza naota ia por tera y rüva spo de püch dlungia porta ia.

Cun le sciüre dl'arbiter é la speranza de ruvé te finala de Copa Provinzia che sparësc por la squadra ladina.

I sogadûs pò ester capazi de avëi arjunt do n grüm de devēntes la semifinala, a düta la squadra ti va i complimēn
i bugn resulta
é
che al é gnü arjunt te chesta Copa. Dô che al é gnü davagné la Copa tl 2011 ti dà la squadra vigni ann na gran importanza a ch

é por

ësta competiziun, al é dessigü ince na ocajiun por se mosoré cun scaudres di atri gironi. La squadra da Ritten pò se enconfortè da sughé la finala ai 8 de jügn sön le ciamp de St. Johann.

In dumënia ai 11 de mà él la partida de campionat cuntra le Mühlwald sön le program. Al vëgn sughé dales 16:00 a Mühlwald.

Formaziun titolara: Lukas Eder, Egon Frenes, Alex Alton, Paolo Vallazza, Werner Sottara, Marco Castlunger, Max Nagler, Romeo Rubatscher, Alex Elzenbaumer, Emanuel Dorigo y Alexander Miribung.

Alenadù: Floriani Claudio

Sostituziuns:

Micky Frenes gnü ite imped Alexander Miribung (45[^] menüt)

Stefan Sottara gnü ite imped Max Nagler (75[^] menüt)

Insëra, mercuri ai 23 de aurì él gnü sughé l'andata dla semifinala de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitê portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.